

Kinner, wat för Boken!

U p Söök na en Thema för de neje Kolumne holl ik ja alltied mien Ogen un Ohren open. So kwamm dat, dat ik annerlessens mit mien Moder an 't Telefon över dat Kinnerbook „De lüttje Hex“ proten dee. „De lüttje Hex“ van Otfried Preußler is in dat Jahr 1957 rutkomen. Somit word dat Book disse Dagen 65 Jahr old.

Ja, nu kummt de lüttje Hex mit hör Raav Abraxas un hör windscheev lüttje Huske mit 65 Jahr so sachtjes in dat beste Rentenoller. Sull een menen. Wat mien Schoolwichter un Schooljungs daar to seggen deen? De seen seker: „Nee, de lüttje Hex is eerst 127 Jahr old! Dat is noch gaar nix. För en Hex is dat överhoopt kien Oller!“ Wiss wahr, in dat Kinnerbook is de Hex 127 Jahr old. Noch en Lehrwicht, sotoseggen.

Ok vandaag kennt een de lüttje Hex noch! Kinnerboken as „De lüttje Hex“, „Emil un de Dekektiven“, „Michel un Lönneberga“ un „Pippi Langstrümp“ worden lesen, umdat de to de Klassikers van de Kinnerliteratur hören. Sülvst dat



Antje Lübben gehört zu dem Team, das für die OZ plattdeutsche Kolumnen schreibt.

Sams van Paul Maar word token Jahr al 50. In dat Jahr 1973 kwamm de eerste Sams-Band rut. Dat Sams mit sien rood Bösselhaar un sien blau Wunskunkten word nu al bold en halv Jahrhunnert old!

Wat ik wiss lüstig finn? Up Nederlands heet dat Sams „Zater“, anners wassen de Woordspölen mit de „Sams-Dagen“ neet mög-elk. Na mien Weten giff dat dat Sams un all Sams-Boken noch neet kumpleet up Platt. Das was doch noch en mooi Idee to de 50. Gebuursdag! En Week vull Saterdag. Well waagt sük an de Översetten?

Een mag dat haast nett glöven, man sogar dat eerste Book van Harry Potter word disse Maant al 25 Jahr. Rutkomen is dat Book „Harry Potter un de Wunnersteen“ domaals in Juni-

maant 1997 mit en Uplaag van 500 Stück. Un wat is daar van worden? En hele Harry-Potter-Rieg! Söven Boken, acht Films, verscheden Breddspölen, Kaarten-spölen, Videospölen, en Theaterstück, Legofiguren.

Wat hebben jo Kinner denn domaals lesen? Ok de Kinnerbookklassikers as Michel un Pippi? Un wat lesen jo Kinner, wenn ji upstünds Kinner in dat Grundschoolloller hebben?

KOLUMNE

Moin, Moin
Schrievers moje
allerbest **Spraak** hoop
Pläseer **Vertellsel**
Smüstern

Platt maakt

Lesen se noch sülvst – of laten se sük lever vörlesen? Hörboken un Hörspölen giff dat ja ok. Wat lesen jo Grootkinner? Dat magiske Boomhuus villicht? Of ehrder Petronella Appelmuus? De lüttje Drake Kokosnööt? Ik bün heel neeisgierig un frei mi up Antwoorden.